



**HISPANIA
NOVA
DESCRIPTIO**

Miliaria Hispanica
 101 201 301

Petrus Karius Celanuit

fixte 3. Pape, M. Fortunius Garcia, Gomeffius, Didacus Covernvias, & qu'on ne doit oublier Antoine Augustin de Sarragoffe l'un des 12 pour le jugement des Procez a Rome, & depuis d'Allitan & Evêque d'Ilerde Archevesque d'Aragon, tresversé aux antiquitez Romaines & autres Literatures des plus recommandées. Si les Mediciens, ores que non naturels mais venus de dehors, s'offrent Avicenna Averrois, Rafis, Almanfor, Meffahallah. Si les Historiens, Trogus Pompée, Iustin & autres. Si les Philosophes, L. Anneus Seneca, & ses enfans, Seneca Novatus & Mela, L. Iunius Moderatus Columella, C. Iulius Hyginus Soti on: Iean Vives, de Valence. Si les Mathematiciens, Pomponius Mela, Abraham Cacusius, Alphonse Roy de Castille, Henry Infant de Portugal, Henry Marquis de Villene, Arnaud de Ville neuve & son disciple Raymond Lulle. Si les Orateurs, outre Seneca, Porcius Latro & M. Fabius Quintilian. Si les Poetes en fin Sextilius Hena, L. L. Annees Seneques, Lucanus, Cousins Germains, M. Valerius Martialis, Rufus Festus Avienus, Aurelius Prudentius, Damafus Pape, Iuvenus Arator, Cecilius Sedulius. Je laisse les Jeunes pour n'estre icy envieux. Les Espagnols sont de naturel chaud & sec: de soufnoire ou soufobiscure couleur, a relever laquelle les femmes s'ondent d'un apareil de ceruse & vermeilon qu'on appelle encor *Vermeilon* d'Espagne: membres forts & bien liez, les plus superstitieux Peuples du monde & les premiers en ceremonies, flateries, vaines parades & ostentations fantastiques, qui scavent bien tenir leurs conceptions secretes par vne singuliere dexterité de se taire de faindre & desguiser leurs intentions. Se monstrent graves par vne rigueur & severité affectée d'ou vient qu'ilz sont fort hais de tous a ce que dit mesme Mariana com'importum & inseparable poursuivant les grands Empires. Les femmes n'y sont fort fecondes & y enfantent a peine. Ne boivent gueres de Vin a l'imitation des Romaines & ne se laissent que peu souvent voir

Mœurs.

en public. Recoivent mal & discourtoisement les estrangers. Hors leur pays santr'honorent fort, se reverent, loüent & rehaussent leur race & valeur: atribuans mesme le nom & Titre de nobles aux plus vils d'entreux. Grands Iusticiers, tant aux petits & moindres qu'aux plus grands. Le soing des Officiers & Magistrats est occasion qu'il y aye peu ou nuls larrecins. Ne s'entretuent & ne se dedient gueres aux excez ny mechancetez: on ne pardone a qui que ce soit qui aura enfraint les Loix rompu temple ou autre lieu public. Ambitieux & sans repos d'esprit, desseignēt tousjours quelque chose de grand. Ayans chassé les enemys du dedans & renversé l'Empire des Sarafins, s'estudient de moiener a leur Prince l'Empire sur toutes les provinces de ce monde. S'ilz se treuvent deux ou trois ensemble de quelque condition qu'ilz soient, discourent des affaires d'estat & des plus hautes choses dont ilz peuvent parler. Cherchent tous moiens pour afoiblir l'ennemy, subtilissent toutes sortes de Ruzes, & descouvrent a leur Capitaines ce qu'ilz y auront inventé de bon. Trespropres a patienter, la fain, la foif & tous travaux, en guerre mesmement. Ilz y aportent plus d'art & d'esprit que de valeur ny de force corporelle, legiers du corps s'arment aussi legierement & ne poursuivēt moins legierement l'ennemy qu'ilz se sauvent aussi legierement a la fuite quand il est besoing, emploians presque toutes leurs considerations au fait de la Guerre. Au manger & boire sobres, escars & contents de pen en leur privé, mais dehors & notammant aux frais d'autruy ne peuvent estre saoulez, de viandes delicates sur tout. Leurs habits sont propres, avenants & commodes, non mal formez. L'Espagne distribue largement a voesins & autres plus eslognes choses infinies tant nées & produites chez celle qu'aportées d'ailleurs, Soye, Laine, Draps de toutes fortes, Sel, Sucre, Miel, Pomes Granade, Citrons, Coings, Olives confites, Capres, Raisins, Figues, Prunes passées ou soleillées, Amandes, Chataignes,

*Vivre.**Marchandises.*

ESPAIGNE - MERCATOR HONDIVS 3 0.
 comp. par Mr H.G. GIRDON in London an 20/5/46
 for £ 30.00 & 7.000/100

